




The Makuilongdi Express


Liangmai Daily Newspaper

“Mazibo niu ngamne”



Banner Lanamai James niu India mai sung thiujju kanahiu 25 -30, 2023 Philippines ga tadkiurabo Mister Heritage gu karen boga jou sune

Liangmai Pui Naga Ruangdi, Manipur gu Kasanbo Bampi hai Research Scholar thiujju bam bo Oklong maipui T.Athonliu niu phung mide.



Zengtung 30 Kanahhiu 2023, Kajannai -Office Gaililong, Tamei. PO-Tamei, Tml. Dist. Manipur Vol.II. Issue 18 page 1

“Mai hina leng kagengbo kamlu rajeng niu Hiupuina siniu mai hina riga pumtan len khai ye”
1Corinthmai 12:7

Konsaram khatdi Leilon Vaiphei nam nia kak ga kabuak jiu chakhon chara pad jiu bam me

NLA niu Appropriation Bill 2023 pass thiukhai mide



kakching, kanah 28:

Tokpaching, Kakching District ga mennai nchunding wangcahk 11 kumbo ningga chami toupad jiu Tokpaching High School Chami ru mi de. Chami toupadbo ngou bo gasu room sum hai ru mide - Headmaster gu room, computer room khatdi ariakky gu katiulangky si toukam mide. sichiu room katam lam di toupad houbam ga sibo nam mai dung niu pumps gasu tadui jujiu chami si mataa khai de. sibo chami toubu gau ariaknah dungleng ariakhuan zanra khaibo, computer 10, sintex 2, almirah 4 khatdi ariakky gu che-chang si ru mii de. Ariakky tad houbo si watheng makhabo we, palun si kamak mainiu Ariakky ga chami si mathou khai bam ra rabo we chiubo malum masabo lad si School management committee gu Secretary Salam Neta niu dinne.

-source IFP



Konsaram, kanah 28:

Kanahhiu 26, bonai Leilon Vaiphei ga majimakjiu lungjiu bam mai niu pamaran kaha bo chamai khangnia Leimakhong lamsu wangbo kania tu minlu jiu kamshat rabokum jiu dapkhai ye, sigasu nkiujiu Singjamai, Imphal gasu Edal Singh kubopiu gu JCB sidi kam mashaa khaiye. khatdi chamai khang 12 tu kam ajam khaijiu khangnia tu kam mathiu mi jiu Imphal lam Chapiuky ga khaijiu bam me. Leilon Vaiphai maigu teinkam kasha bo tu Konsaram nam gu authority tui suinimakbo tanjiu din ne. Konsaram gu langra duifen phuiru leng kawangbo chamai kasia khatdi Imphal lamsu Kounu Leirmbi raa tu kahumra wangbo mai dungtu Leilon namga kham khaijiu paliutu kam chariu khaijiu bame.

Nda karai 1950, ting ga vaiphei mai nam khat leilon kubo ronna bam niu bo we chiu di tuhoi ra kengkhang jiu

nam 26 bam mide, chiujiu siga lunkhun mai thiubam niubo haisi konsaram mai ye. Kangpokpi district ga bam bo Konsaram ga tingkum 50 kumbo lungga Myanmar lam su kawang mai tu politics gu vote kengkhang ra lengjengniu pi lungkhajiu tuhoira lunkhun mai songdi Myanmar lamsu lung kawang mainiu kengjiu bam mide. Leilon nam haisi charampao thiujju bam bo konsaram ga kadi charam man pijiu lungbam niubo we, chiujiu leilon gu kalekky hina niu Konsaram gu Charampao khuga tasiu kaluang khat pijiu bam niu bo we, chiujiu konsaram gu chairman niu din ne. Masong ga su leilon vaiphei khatdi Myanmar lamsu lung kawang mai nai lunkhun mai Konsaram kak ga kadi charam langa chakhon chara padjiu bam bo we.



Kohima, kanah 26:

Nagaland Legislative Assembly niu machanai Nagaland Appropriation (no.2) Bill 2023 si pass thiukhaijiu State Government niu rk INR 230,85,66,33,000 (approx. rk 23085.66 crore) si State gu financial Year 203-2024 gu consolidated fund gasu khoipad suikhaira leng suikhai mide. Haibo bill si chief Minister Neiphu Rio Finance gu Minister-In-charge niu Phungpad jiu bill hais Voice Vote gasu passed thiukhai bo we.

-source EM

PAN-Aadhar link kam raleng pating khaisan lan mine

kanah 29:

Tax pijiu bam mai dungleng pawan pikhaijiu PAN nai Aadhar link kamrabo pawan si kaphihiu 30 katang leng kakhit khailan mide. karai ga PAN-Aadhar link kamrabo kanambo tingmik si kanah 31 lung ga kam milo chiujiu Income Tax department niu dinipad mibo we chiujiu machanai Income tax Department niu kaphihiu 30 katng leng pwan si khaian khai lan mi ne chiujiu dinne. Chiujiu Nbumhiu 1 gasu link Aadhar Link kam kamak bo PAN hinasi thindoulak miraboi chiudi tingmikpui 30 sai ga Adahr link si paman rk 1000 pijiu kamlan bo suiye chiu we.

-source NP

Myanmar gu refugess bamkhai leng Moreh ga taliu khaira Manipur govt niu din mide

Moreh, kanah 26:

Myanmar ga 2021 military coup donjeng niu Myanmar mai kakeng niu manipur ga gut khaimibo jeng niu State Government niu sangdiu mai tu pi bamkhai raleng Moreh paliu niu pawan khat lungra leng taliu kairaye chiu din mide. Indo-Myanmar gu border ga



lungbam bo Haolenphai nam ga Legislators Letpao Haokip, Basanta kumar khatdi awangbo Newmai niu wangjiu page 2

ONE DAY SEMINAR ON CAREER CHOICE
Organised by :
Liangmai Naga Katimai Ruangdi, Manipur

Date:
3rd April, 2023

Venue:
Namraining Centre Church

Time:
1:00 PM

Panelist:
Diana Mataina
Manager,
Bank Of Baroda

Panelist:
MI Kaisungbou
Additional Superintendent
Of Police
NH-2, Sivasat

Chalad N-bung

Water fall : "Langra duifen" chiw kuwe

**Liangmai Orthography
DIPHTHONG**

ei niu tei
ai niu kai
oi niu taloina
ui niu marui
iu niu thiura
ao niu zao
ua niu chakuan
ia niu karia

TRIPHTHONG

iao niu akiao“

1.9. TONE (CHAKHON KAKUU-KANAH)

Lianglad hai ‘Tonal Language’ ye. Samtap dinsai aliu lad ga Tone pazat sum bamme, kuubo, n-gangbo khatdi nahbo. Tone tiubo ra chakhon kuubo nahbo sai suiuiu chaladkeng (Spelling nchambo) ramba kalibo tuwe. Aliu ariak raobo ga debo khon niu kuubo lo, desi nahbo lo tiu sitam pad ra macha khaibo phui ncham khe Chakhon kakuubo (high Tone) ga kanamthubo giak (Letter or Symbol) si ‘doubling’ khe. N-gangbo khon (Mid Tone) ra wadi khai san mak di suiye. Chakhon kanahbo (Low Tone) ga kanamthubo giak sai ‘h’ khai khe chiu chap khaiye.

-to be contd.

Myanmar gu refugess bamkhai leng Moreh ga talii khaira Manipur govt niu din mide

Myanmar gu Refugee dung tu adoukhai jiu palii niu bam leng thiukhai bo pabam meng phuikhaimide. Sibo Shelter home talii lusai refuge-gee chamai 500 kumbo bam rabo we. Siga Myanmar gu refugee khatdi MP thiukhaiboh Thangsel haokip niu Myanmar ga agi manai jiu kabuak bo hamisai palii malan lan mira ye chiuuiu dinne. khatdi manipur government tu thonkiu bosu di madu khaiye.

-source sangai exp.



Imphal, kanah 28:

Tri- nation International Tournament hai India niu Kyrgyzstan tu 2-0 gasu ngam jiu TRi-nation gu Champion doulude. India gu Senior team leng gi bo sandesh Jhingan (34’) ga siga su Sunil Chhetri niu 83’(p) gasu goal kam khai ye.

“Black Shirt “ Protest hai opposition party dung niu kam mi de



New delhi, kanah 27:

Congress khatdi katambo opposition party arongluuiu Rahul Gandhi tu Lok Sabha gasu disqualified thiukhaibo tu suinimak jiu madu khai mide. Opposition gu jupou dungniu mennai paliu tiang katik bo khaiuiu Oppositon gu jupou Mallikarjun Kharge gu chamber ga wangjiu Rahul Gandhi tu disqualified thiukhaibo tu suinimakjiu makhiam thiukhai mi de siga karai ga congress saisuinmakjiu bam bo Trinamool gu leader prasum banerjee khatdi Jawhar Sircar di wangjou khai ye. Siga mallikarjun Kharge niu Demcorcy akhe raleng jengniu padbo mai hina tu pagu party niu welcoe thi u we chiuuiu dinpad khaiye. chiuuiu pahniu habo lam ga nda nai thainai nkha khaibo mai tu thonkiu we khatdi democracy nai constitution khatdi aliu chamai dungtu akhe khaira chap pad bo mai mathiutu welcome thi u we chiuuiu Kharge niu dinpad khaiye. Siga Opposition dungniu paliu ntiang katik bo khaibo hai Pm Modi niu aliu country gu Democracy hai kam maha wangmibo tu suinimak bo madu bo we chiuuiu dinne.

Congress gu jupou dung khatdi karai ja paliu gu papi thiukhai bo Sonia Gandhij khatdi katambo oppositoin gu leaders dungniu parliament complex gasu tadsu jiu Vijay Chowk Delhi katang JPC si Adani-Hinderburg gu tathu lamga talii khaira khengjiu tad khai ye.

Haibo makhiam gaparties katam lam su wang joukhai maidung si Tamil Nadu chief minister MK stalin’s Dravida Munetra Kazhagam, UP gu ex-chief Minister Akhilesh Yadav, NCp gasu Sharad Pawar khatdi delhi gu chief minister Arvind kejriwal Aam Aadmi party gasu tiujiu joukhai bowe.

***SUVs 150 khatdi Bullets hai siga thinra kaden loi mide..
***Katiu kasak ra pikhai ne
***Jirabo mania hina paron rona kaden raye
RoadShow hai kanjinghiu 13 -15 (Imphal- Tamei- Npiuluang- Tamenglong-Noney - Imphal) tiujiu tad ne.
Npiuluang ga Camp 2 nights bam ne.. Tad cham khai kasui hina tad khai ra ku khai ye.
Dr Alyson Abonmai (Intending Candidate MP Election 2024)

Chahiu 5 lunga keng kachang bo thiuiu India ga covid-19 cases hai naikhat ga 2,151 pad lan bam me



New delhi, Kanah 29:

India ga coronavirus cases hai naikhat ga kasan 2,151 doujiu chahiu mangiu lung ga keng kachang bo thiuiu bam me. Active case hai tuhoi 11,903 bam mi deh tiujiu UNio health ministry niu kadamnai din ne. tad mibo takum gu Chagahiu 28 ga covid-19 case hai 2,208 doubu we. Tiuuiu covid-19 gasu shaimibo pariak si 5,30,848 tangmideh, khang 7 si thaikum niu we- maharashtra gasu 3, karnataka gasu 1 khatdi kerala gasu khang 3.

-soucre The Hindu

Mathen Cham

Mumbai Indians niu Delhi Capitals tu Wicket 7 gasu ngam jiu raithu WPL gu champion thiumide



Mumbai, Kanah 26:

Raithubo WPL (Women Premier League) 2023 gu final hai Mumbai Brabourne stadium ga Mumbai Indians khatdi Delhi capitals Mathen boga Mumbai Indians Niu wicket 7 gasu ngam mide. siga wpl 2023 gu run dap makeng thubo(Orange cap) gu tathon si Delhi Capitals gasu Meg Lanning niu run 345 daplu jiu doumi de, khatdi Wicket lu makeng kachang bo si Mumbai Indians Team gasu Hayley mathews niu wicket lu makeng thu bo Purple cap khatdi paman kungthubo player si doulu we, sigasu Season gu catch kam mui kachang bo si Harmanpreet Kaur Mumbai Indians niu doulu we.